

山右石刻叢編

山右石刻叢編卷三十一

遊山身聖母廟碑記
聖母廟在太原府陽曲縣界首村之北
唐太宗起義太原嘗禱于茲豈唐人之所封歟平定州

完

昭濟聖母祠記

碑高二尺八寸廣一尺九寸三分十
六行行二十四字正書今在平定州

重脩昭濟聖母祠記

平定州儒學直顧思孝撰

國子伴讀呂思誠書

平定州儒學正陳遷福篆

昭濟聖母祠在太原廢城側祠下有泉曰善

利日難老浸潤

灌溉田數百萬畝民賴其利故立祠以歲時祀事

某孟

水神也

唐太宗起義太原嘗禱于茲豈唐人之所封歟平定州

北六

七里曰邾家泊亦有祠焉迺行祠也宋之碑刻金之標記尚

在祠下口有泉匯而為池發之以石開厥口于東北隅水從

中出黛蓄膏停混混然勢若白虹下入桃江國者稼者紡者

禮者辭混者凡可以利於水者罔不成賴祠而事之宜矣祠

建歲久垣摧屋圯不蔽風日里人曾謀曰此厥不修則何以

肅斯人祀事之心乎於是命工葺財易敗為完全碧燦然光

奪人目延祐丁巳十月功訖求記焉予惟在晉祠者名著天

下而此名於一鄉其利有小大而名與之遠邇歟謹誌

大元延祐七年八月 日李洪等立石

枝碑題平定州儒學直願思孝撰國子伴讀呂思誠書平

定州儒學正陳遷福篆攷州志願思孝元延祐年為平定

州學正與碑題合志之學正當卽碑之學直但名稱不同

耳陳遷福未見州志可据碑以補又按元史呂思誠傳思誠字仲實平定州人生時有異長從蕭射受學入國子爲

陪堂生旋選中伴讀書碑正書於此時其泰定元年甫登

第故是年別無官也

傳又謂泰定元年擢進士第同知遼州未赴改蒲縣尹又擢翰林國史院

檢閱官升編脩文宗閱國史思誠因爭擢國子監丞升

司業拜監察御史出僉廣西廉訪司事移浙西復召爲國

子司業遷中書左司員外郎中以言罷復起爲右司郎中

拜刑部尚書改禮部尚書爲治書侍御史總裁宋遠金三

史升侍御史樞密院副使復留爲侍御史劾平章罷爲河

東廉訪使召集賢侍講學士兼國子祭酒出爲湖南行省

參知政事授湖北廉訪使入拜中書參知政事升左丞轉

御史中丞再任左丞知經筵事提調國子監兼翰林學士

承旨知制誥兼修國史加榮祿大夫總裁后妃功臣傳又

爲樞密副使仍知經筵事復爲中書左丞拜集賢學士仍

兼國子祭酒爭鈔法左遷湖廣行省左丞時武昌爲賊據

思誠不設備而入賊亦驚散召復爲中書左丞移光祿大

夫大司農以至正十七年三月十七日得疾終年六十有

五思誠氣宇凝定不爲勞利所屈三爲祭酒一法許衡之

舊有文集兩漢通紀等著碑多闕其先言太原廢城側有

諡忠肅姑附此以備攷

昭濟聖母祠攷通志晉源神祠在太原縣晉祠鎮又有水

母廟熙甯中以守臣請賜號顯靈昭濟聖母與碑文合百

詩云晉祠本唐叔虞祠廟蓋碑云溉田數百萬畝據後漢

書安帝元初三年已有修理太原舊溝渠溉灌官私田之

事鄗道元水經注晉智伯過晉水以灌晉陽後人踵其遺

東北注入晉陽城以灌又通志載宋嘉祐中知縣事陳知

白分引晉水教民灌溉神宗八年七月太原府澤史守一

修晉祠水利溉田六百餘頃又按志載公乘良弼重廣水

股引東走平陸十分之以溉民土其溉田以稻數計之得

四百二十一夫餘七十畝合前舊有之水利為三百三十

云是晉祠之水利所周甚廣後言平定鄰家泊亦有祠按

平定志昭濟聖母祠在平定凡四志稱一在下城後街一

一在南

此碑僅著鄰泊一境鄰家泊屬州治碑為重修而

作其原建年月闕碑云其地有泉圃者稼者咸賴焉而祠
宇不修何以肅斯人祀事之心於是命工葺財易敗爲完
蓋亦鄉人崇德報功之意其爲文記之固宜

亞岳廟外門記

碑高三尺九寸二分廣一尺九分二寸
一行行四十五字正書今在長治縣

靈惠齊聖廣祐王新建外門記

奉元路醴泉縣儒學教諭上黨賈志道書

潞州儒學直學李章篆額

王之祠在所有之爲之顯應王爲之亞嶽迨及

元朝欽崇典禮懷柔百神曠絕之祀無所不究優封

靈惠齊聖廣祐王載於祀典王祁州人崔姓子玉字也唐初

爲滏陽令又爲長子令太宗以夢見徵拜蒲州刺史先長子

為府君時有異政之稱適遇虎害言一孝子被所食以牒攝
虎至使伏其罪民以為神而祠事之世之所傳蓋以此也廟
之在路郡者峙於東門之內由古及今封加享祭恩禮不衰
遠近之人奔走祈禱敬信不怠其靈驗可知也觀其廟自崇
深門牆堅整像設儼然其興治之始末具於叅政楊中奉石
刻茲不復贅惟於外門闕焉上黨縣尹石承事口通甫晉
洪洞人自臨本邑百姓又安五事脩舉割雞製錦之功人難
能也真可謂樓鸞淹驥耳終更之後人尚思之及於事神之
禮無不盡誠率鄉曲巨家張玘賈以直李温等一十七人姓
名具列如左伺謀協慮輸財於已雇工於民土木之費楮幣
幾四千餘緡初立外門橫跨通衢之上雲霞照映金碧炫耀
輪煥翠飛駭人之目不惟壯神祠之氣口抑亦增鄉里之光

榮經始于延祐戊午之春落成於是年之九月也玘等卽以
其事請予記之辭不獲已竊謂傳有之曰有功於民則祀之
能禦大菑則祀之能捍大患則祀之夫郡縣之良吏血食一
方者多矣卓茂之於密魯仲康之於中牟朱邑之於桐鄉召
信臣之於南陽未能有達之天下四方者如王之祠何其盛
歟嗚呼祀典之廢久矣人心所存口逃禍徼福在耳其事神
也刲羊豕具酒食巫覡優樂雜然而前禱謝日豐乖禮越分
鄙俗相傳不以為過豈事神之道哉雖疾病請禱古人之所
不廢殊不知誠則感神祭則受福冥冥之間自有陰相若夫
悖理口欲要求於神者⑤無愧乎故有其誠則有其神無其
誠則無其神惟王福善禍淫禦菑捍患有禱輒應功不為細
神千載而下血食宜矣噫廟之興廢在乎人則一門之役固

不得為全功異時有全功任之者安知其不自石尹等而口
口是可紀也故為之書

延祐庚申仲秋朔日新鄂州路崇陽縣主簿上黨進士李
天祿記

管軍百戶張玘 武瑞 賈以直 李溫 李公徹 王
德 張思貞 樊信 蘇敬 鄭禎翰 裴良佐 秦郁
郭克恭 王德輔 郭溫公 趙維恭 助緣武濟民
等立石司廟人楊思敬

石匠提控王思仁同男王溫刊

校碑題奉元路醴泉縣儒學教諭上黨賈志道書潞州儒
學直學李章篆額元史地理志至元十六年改京兆為安
西路總管府皇慶元年改為奉元路碑立延祐庚申故得

以奉元路入街碑言元朝欽崇典禮優封靈惠齊聖廣祐
王載於祀典核崔府君神至元十五年正月封齊聖廣祐
王見元史本紀元貞元年加封靈惠見今碑本元詔碑云
楊中奉石刻者卽元大德楊仁風崔府君廟碑題街中碑
有上黨縣尹石承事階通甫晉甯洪洞人自臨本邑百姓
又安終更之後人尚思之事神盡誠率鄉曲巨家張圮等
一十七人輸財僱工創立外門經始延祐戊午春落成是
年九月此延祐五年以前通甫尹上黨之證末題延祐庚
申仲秋朔前鄂州路崇陽縣主簿上黨進士李天祿記元
史地理志大德五年鄂州改武昌路此天祿大德五年以
前簿崇陽之證

重修元武殿記

碑殘裂高二尺七寸八分廣一尺七寸八分十九行行三十八字正書今在永濟縣

大元重修武殿記

鞏昌府儒學教授呂損撰并書丹篆額

自三代祀典之廢民之用亨不溢於異端則惑於鬼禮崇
□於當敬者鮮矣惟□地日星山川正矣乎河中治城後踞
女陣俯闕闕形勝雄敞表裏山河□□樓觀有殿曰武郡
人□□□再基于前金之季年禩寢遠墁摧擗腐神殆弗
宇悉祐戊午□□既撤諸耆叟議曰□□不脩舉而
吾儕坐忍神之所居不蔽風日如是邪幸年穀粳粳家有餘
力盍起斯殿之弊□□募工釀財不期而翁集舊者新之
奕者更之改塗易檐文楹藻棟承題構亭如跂如翼□□
□碧縹緲乎飛雲之外望之如神仙之居焉役始于其年之

夏甫再月而告成廟貌既嚴民情□□疹有禱輒應社民陶
用秦珪張林等來謁于曰斯役之興□所目睹礪石已具請
子記之□□□曰②武者北方虛危騰蛇之象也其位陰陰
主殺故或者謂神能降伏邪道收斬妖□者□

皇元盛德充溢霄壤山川鬼神罔弗祇肅或捍災患或贊化
育雲車風馬莫遑③處况神司刑□□其陰相

國家掃除氛惡神之職亦宜又何異焉遂併書之

延祐七年歲在庚申□月吉日記

延祐七年九月 日立石

中議大夫河中府達魯花赤兼管本府諸軍與魯勸農事
知渠堰事□加歹

中順大夫河中府知府兼管本府諸軍與魯勸農事知渠

堰事吳元瑜

奉政大夫晉[○]路同知河中府事白子恩

昭[○]校尉晉[○]路河中府判官王端

承德郎晉[○]路河中府推官李膺

□仕郎河中府知事盧邦瑞

河中府提控案牘聶世忠

忠翊校尉晉[○]路河東縣達魯花赤兼管諸軍奧魯知渠

堰事福童

承仕郎晉[○]路河東縣尹兼管諸軍奧魯勸農事知渠堰

□郭義

保義校尉晉[○]路河東縣主簿張天澤

晉[○]路河東縣尉張□

典史楊世寧

榜碑題鞏昌府教授呂損撰并書丹篆額碑云河中治城
後踞女陣俯闡闌形勝雄敞表裏山河有殿曰元武再基
於前金之季按金正大六年李獻能有重修元武殿記卽
此碑所云修於金季者碑以延祐戊午重修而立碑有社
民陶用秦珪張林等至大元年詔封二賢碑陰記後刻中
書禮部符文據張林等狀有林等祖居本村自願修理然
則林固元大德延祐間河中民之樂善舉好修祠廟祀者
碑末所題諸官有中議大夫河中府達魯花赤闕加歹中
順大夫河中府知府吳元瑜奉政大夫同知河中府事白
于思昭闕校尉河中府判官王端河中府推官李膺河中
府知事盧邦瑞河中府提控索贖彘世宗忠翊校尉河東

縣達魯花赤福童承仕郎河東縣尹郭義保義校尉河東
縣主簿張天澤河東縣尉張闕典史楊世甯校此所題諸
官與詔封二賢碑陰記題名並同惟河中府達魯花赤知
府河東縣達魯花赤縣尹自兼管諸軍奧魯勸農事外視
二賢碑陰多知渠堰事四字又至大元年至是年甫十三
年而甯碑泣官之人竟無一在者遷徙更代亦云速矣延
祐三年近鹽池府州縣官皆加知渠堰事見食貨志與此

碑合

薛仁貴鄉廟碑

碑連額高四尺二寸廣一尺八寸二十一行行四十二字
額題重修唐薛仁貴鄉廟之碑十字均正書今在河津縣
黃村

大元延祐上章招澤歲孟冬下月河津縣鄉郭同宗重修唐

薛仁貴鄉廟雖有前碑紀功未備今公唐史閱公本傳略而錄焉

前國子生員薛恭敏集撰并書丹

薛仁貴絳州龍門人少貧困以田為業其妻曰夫有高世之才要須遇時乃發今天子自征遼東求猛將此難得之時君盡圖功名以自顯乃在應募王師攻安市城高麗莫離支遣將高延壽等率兵二十萬拒戰太宗命諸將分擊之仁貴恃驍悍欲立奇功乃著白衣自標顯持戟腰鞬兩弓呼而馳所向披靡軍乘之賊遂奔潰帝望見遣使馳問先鋒白衣者誰曰薛仁貴帝召見嗟異賜金帛口馬甚衆授游擊將軍師還帝謂曰朕舊將皆老欲擢驍勇付闕外事莫如卿者朕不喜得遼東喜得魁將遷右領軍中郎將蘇定方討賀魯仁貴上

疏曰臣聞兵出無名事故不成明其為賊敵乃可服今泥熟不事賀魯為其所破虜係妻子王師有於賀魯轉得其家口者宜悉取以還厚加資遣使百姓知賀魯為暴而陛下至德也帝納之遂還其家屬泥熟請隨軍効死詔副鄭仁泰為鐵勒道行軍總管將行宴內殿帝曰古善射者有穿七札者卿試以五甲射焉仁貴一發洞貫帝大驚更取堅甲賜之時九姓衆十餘萬令驍騎數十人來挑戰仁貴發三矢輒殺三人於是敵軍氣懾皆降仁貴慮為後患悉坑之轉磧北餘衆禽偽葉護兄弟三人以歸軍中歌曰將軍三箭定天山壯士長歌入漢關後高麗餘衆叛起為鷄林道總管坐事貶象州會赦還帝思其功乃召見曰今遠西不寧瓜沙路絕卿安得高枕不為朕指麾邪於是拜瓜州長史右領軍衛將軍檢校

代州都督率兵擊元玠於雲州敵軍問曰唐將為誰曰薛仁貴元玠等曰吾聞薛將軍象州死矣安得復生仁貴脫兜鍪見之皆相視失色下馬羅拜稍稍遁去仁貴因進擊大破之斬首萬級獲生口三萬牛馬稱是公永淳二年卒今有承事郎薛瑞授宰是邑因公拜謁於祠下塑像雖完未加彩飾廟貌廢弛□以設饌會鄉郭同宗衆村人等於廟下語以聖像加彩補緝未完修之可乎各敬應曰唯唯自願裨助共得錢至元鈔一百七十四貫文命工彩飾金碧壯麗可觀及砌壘廟內外基址方臺番瓦殿宇起蓋門樓煥然一新刻□紀之以傳永久矣

延祐七年冬十月下旬八日承事郎河津縣尹兼管本縣

諸軍奧魯勸農事薛瑞等立石 本村陳秀

按碑以前碑紀功未備故采唐史爲此多据新傳然亦有
刪節自少貧困至投游擊將軍則刪往見將軍張士貴一
段其下又刪萬年宮水警一段蘇定方討賀魯至泥熱隨
軍効死下刪經略遼東破契丹兩段副鄭仁泰爲鐵勒道
總管至長歌入漢關下平高麗擊吐蕃文皆不列卽直敘
未幾高麗餘眾叛至傳尾碑文每行末一排字多漫漶如
悉取以還句以字爲鐵勒道總管道字轉討磧北餘眾討
字雞林道總管道字瓜州長史州字獲生口三萬口字皆
據新傳補之碑文所列如游擊將軍百官志武散
官從五品下右領軍
衛中郎將職事官正
四品下瓜州長史新地理志瓜州下都
督長史從五品上右領
軍將軍職事官
從三品代州都督新地理志中都督府舊
職官志中都督正三品爲所歷
之官鐵勒道行軍總管雞林道總管爲所歷之差遺唐會
要貞

觀三年以後行軍卽稱高麗彘勒爲所征之國

此彘勒卽
回紇今阿

林壘唐會要永淳元年十月突厥餘黨阿史德元珍寇并

州代州都督薛仁貴擊之餘與碑同核新傳仁貴檢校代
州都督今以諸書考之開元以前檢校者如今之署任其
後則爲虛銜仁貴檢校代督與宰相表字文士及檢校涼
州都督金石萃編李晦碑以本官檢校幽營二州都督皆
必實歷官而仍帶本職是猶今署任也至德而後以節鎮
帶三師三公以下至常侍皆隨次遞加無實蒞職者猶今
虛銜也仁貴以瓜州長史檢校代督仍帶本官此權署之
體碑立於元延祐七年以縣尹薛瑞同宗故河津縣志元
王思誠河津縣總圖記今縣東十五里大黃村薛仁貴故
里村中有姓薛者蓋其後碑言其得錢至元鈔一百七十

四貫文元史至元二十四年改造至元鈔與中統鈔通行
每一貫文當中統鈔五貫今碑至字漫漶以元史證之知
爲至元鈔縣志元有縣尹薛瑞延祐間任元史職官志縣
有達魯花赤一員尹一員集撰書丹者爲前國子生員薛
恭敏元程鉅夫國子學先師廟碑中統二年選朝臣子弟
充弟子員總文獻通考泰定四年敕國子監歲貢生員業
成者六人至順三年詔國子生積分及等考試中式者以
等第試官不中者復學肄業恭敏結銜爲前國子生係未
試官者宋史地理志宣和三年絳州龍門縣改河津碑文
莫加
鄭者句莫書作
莫當是筆誤碑見通志金石記

廣裕和尚道行記

碑高七尺八寸廣三尺五寸二十一
行行五十四字行書今在翼城縣

大元晉^寧路翼城縣金仙寺住持^印辯興教大師裕公和尚
道行碑

翰林學士承旨榮祿大夫知制誥兼脩國史趙孟

頴撰并書篆

佛以大慈悲隨機說法為世舟航所以付囑其徒者攝為五
分曰素咀覽則阿難受持曰毗奈耶則鄔波離受持曰阿毗
達磨則迦多演那受持即所謂經律論也曰般若曰陀羅尼
則付之文殊普賢二大士其教雖殊其覺悟羣迷則一而已
佛滅度後二千餘歲有脩其教者曰廣裕實通經律論藏蔚
然為四衆所宗世家絳之稷山俗姓郝氏弟敏慧肄講肆日
記三千言發軔於戒經決策於衆經論頓響於雉讖因明年
二十衆推為座元講說法要人服其精詣出世住壽聖寺脩

千佛洞佛閣殿堂大門講席聽衆逾百檀施雲興次住華嚴院且營且講如住壽聖時次住十方仁壽寺擊建夏安居講堂安衆百五十又建冬安居靜講堂安衆五百重脩佛閣法堂僧堂視住壽聖華嚴日益大以肆於是移住金仙寺寺大而廢久住持者難其人師立志^卯毅百廢具舉脩大佛閣造弥勒大像高百尺廣三之一飾以黃金置大藏經及准識鈔疏四十部又脩法堂僧廊香積簷楹戶牖金碧輝映為晉偉觀寺東臨澮師慮驚濤衝齧髑石為岸高丈又尋表入十步住金仙三十餘年終師之世講下常不減百衆最後住勝因寺葺建法堂廊廡三十餘間凡常住所宜有者無不悉備師前後受四衆請更五住持一日必嘗講亦不輟四方檀施金粟幣帛一委常住所至有餘積而已無私焉以其贏餘施十

方僧又約其同倫為上生會精備密行誓生兜術示寐一日面如生時其住持勝因也陝州聞喜各建大會請師為四眾受戒阿闍黎四方請疏常以百計住金仙曰值

世祖皇帝設資哉大會師於大內說法默契

聖心賜以袈裟住壽聖曰感聖僧化供帑廩常溢是則教中所謂志行精專有感斯應者矣師生九歲從顯公印尚落髮出家又十有一年而受具足戒又九年而得法於雲壽相尚又二年領眾住持住持四十又一年當大德十一年十月廿九日遷化于金仙寺越七日塔葬于寺後壽七十又二臘五十又二嗣其法者七十餘人曰才曰頊為眾上首並受璽書名播諸方滅度後十又一年其徒智貞狀其師之行走京師請紀師道行以傳不朽余謂諸佛妙嚴秘密剎海等一義味

支分派別如月在水非論無以證經非律無以顯教究其指歸則一而已師能融通三藏引佛法於一方而始終焉則其為四衆所宗宜也其往生兜術陀天亦宜也其嗣法上足續燈覽爽亦宜也乃為銘曰

佛以妙法大啓羣蒙空有互彰理事雙融皇元肇興大教是宗裕公之生適際其隆聰慧夙稟博洽強記曰經律論等一義味利生接物像教攸寄受法布金雲蒸霞翳層構地涌金像山窈天與其謀神默其功微言玄論滂沛心曾造契聖心大衣彌賁慈氏攸歸佛光逾熾惟晉之鄙惟澮之裏表是堅珉靈室茲閱

延祐七年歲次庚申小春日住持僧 智恩 智貞 智
信 文懃等立石

太平縣石匠頭目李世英弟李世昌刊

按碑題翰林學士承旨榮祿大夫知制誥兼脩國史趙孟頫撰并書篆元史趙孟頫傳仁宗卽位召除翰林侍講學士延祐元年改翰林侍講學士遷集賢侍講學士資德大夫三年拜翰林學士承旨榮祿大夫六年得請南歸至治元年英宗卽位遣使卽其家令書孝經二年賜上尊及衣二襲是年六月卒碑立延祐七年在授承旨榮祿後題衝與史合翼城縣志金仙寺舊在東門外滄水旁宋仁宗時寺僧金仙長老所建元世祖時裕公和尚亦焚修於此裕公卽宏辨大師姓郝氏幼慧敏日記三千言講說法要人服其精詣後寺爲滄水所侵延祐間徙於城內之同穎坊有翰林學士趙孟頫撰書碑記明時寺爲參政吳廷翰所

毀趙碑移於后土廟中按縣志云裕公事多據此碑爲之
又碑云住金仙日值世祖皇帝設資戒大會師於大內說
法當大德十一年十月二十九日遷化於金仙寺後十又
一年其徒智貞狀其師之行走京師請孟頫爲記按大德
十年後又十一年更至大四皇慶二延祐五爲十一年正
孟頫任承旨時孟頫以至治二年卒距延祐五年僅四基
則此碑亦晚年筆也資戒大會累見元史世祖紀可與碑
世祖皇帝設資戒大會相參碑見通志金石記

豐州平治道路碑

碑高二尺五寸五分廣一尺九寸二寸三分
行行三十十字正書今在歸化城副都統署

豐之爲郡其來尚矣地名九原雲朔三輔控御沙漠方面之
劇金源世勳戚里置天德軍節度而鎮守焉風俗惟_道民物

尚樸厥土惟瘠鹵厥田惟下中原高且平墾耕牧養軍民相
叅居止郡南負郭黑河青冢古跡仍存郡北一舍有園繞之
山名曰祁連中有捷徑故道甸城山谷比之銀瓮迢遞漁陽
險阻近爭一倍抵天平七十餘里歷經沁葦山水泛漲阻妨
車兩經行寒暑迭遷人無舉覆輿有本州監郡傑烈奉議知
州郭承務同知哈刺不花承務判官倫忠勇等典牧是州未
及數月講究興除利病遂云

方今政務宣閭之外供需漠北以軍旅糧儲為重計奈何以
浮石磽确有妨給餉之正路耶又况歲值凶歉輒欲修理其
可得乎遂有此議申明大同總府及憲司計稟河東維嶽與
閩省臺既從其便行會之間伏遇鎮遏德○天山分司宣
慰使馬馬正奉宣慰同知撒德彌實奉訓宣慰副使孫朝請

繼踵馳驛路由是谷亦既見之允協前論就諭相鄰社分命東甸城尖山李家戶三村等鳩集丁役蜂聚平治經之營之不日而就以致險夷之地遂成平坦之途奔驛駕車引重致遠過者無不忻懌復值暴雨衝流窒礙行路累蒙使郡下令永蠲本社三村雜泛明諭家至戶曉常切用力不致將來廢弛前功矣於三岔山路深重峽隘之處設置巡兵警捕一所盜賊畏伏商旅通行路不拾遺民無病涉王德成等既承其命焉敢不遵嘗聞悅以使民民忘其苦噫守土之官憂民之憂樂民之樂者幾何人哉封部之間有庶君五袴之詠慮其日月彌遠前德闕而弗彰而失其傳鄉人西三州官醫前提領郭瑀洎漲源楊禮并本社王德□□通甫李天祐王通甫等懇請作文記之以刻其石愚辭不獲已故摭其實而□

之

延祐七年歲次庚申十一月日建

裕齋後人李文煥撰書

旨裏奉議大夫豐州知州兼諸軍奧魯勸農事張鑄立石
司吏王瑞 楊宗禮 程鵬舉 侯忠 何寧

劉沖義刊

按奉使俄羅斯行程錄康熙二十七年五月十八日次歸
化城十九日入城觀甸城碑記延祐七年歲次庚申十一

月日建裕齋後人李文煥撰書卽此碑

歸化城元之豐州設知州並倅官而

錄於大按碑爲豐州知州張鑄立始言豐州地名九原以

同總管唐豐州九原郡而名

按唐豐州在今河套

遷徙唐天德軍於此建豐

州亦號天德軍

今廳東之舊豐州城

金大定爲天德軍節度與碑金

置天德節度合其曰祁連山者舊通志金時以邊外稱天
爲祁連置淨州天山縣遂名大青爲祁連此祁連卽大青
山行程錄二十一日行九里入祁連山有土城廢址相傳
元世帝后俱潛厝此山而不立陵墓紅白芍藥杏樹萱花
敷榮山阿易險阻爲坦途豐州守張鑄之功不可泯也其

曰甸城者卽今歸化城北之甸城廢址通志關梁考古之

白道嶺其所稱本州監郡傑烈姓奉議百官志正五品知

州郭姓承務承務郎從六品階同知哈刺不花承務階判官倫忠

勇忠勇校尉武正七品階者皆豐州達魯花赤元史伊魯布哈傳除保定路達魯魯齊俄

除吏部尚書父老詣闕乞留監郡以撫吾民此監郡卽達魯花赤之證達魯花赤欽定本改達魯魯齊知州

同知判官之姓氏與階官宣闕者元史百官志有河東山

西道宣慰司大同續通鑑延祐五年議興朔方戍守蒙古

邊徼屯田蓋其時海都之裔雖降嶺北方置行省供需漠

北以豐州爲孔道故官民僉議平治以成坦途其曰大同

總府卽大同總管府憲司卽河東山西道肅政廉訪司省

臺中書省其曰馬馬正奉

正奉大夫
正二品階

撤德彌實奉訓

奉訓
大夫

從五
品階孫朝請

朝請大夫
從四品階

者皆宣慰使同知副使之姓氏與

階官東甸城三村名可以爲考元邊地者之證又按碑云

歲值凶歉者卽續通鑑延祐七年二月賑豐州饑事自明

棄雲內豐州人遂多視歸化爲外域今觀此碑而知設官

之詳與治谷路用漢吏有皆爲金元定制者誠足杜淺見

薄識之喙也碑見通志金石記

聞喜補修宣聖廟碑

碑高一尺六寸廣一尺九寸二十
二行行十九字正書今在聞喜縣

閩喜縣補修宣聖廟記

儒學教諭呂希才撰

生員張希良書

閩喜即古之桐鄉也城之良隅有

宣聖之廟其來久矣以其基址爽塏林栢陰森故世俗有

湯陵之傳焉於大德七年壞於地震殿宇廊廡俱為瓦礫厥後邑宰繼而脩之雖僅有成未能無闕逮延祐間有監縣事阿里縣尹王傑主簿呂納刺孫佐史張仁傑共治是邑迺於暇日而相謂曰人之所以能知孝悌忠信而不陷於禽獸之域者迺吾夫子垂訓之力也久見

聖廟未完不脩管始於忘本遂同心協力命匠興役監縣給其費用主簿補其垣墉佐史為之贊襄縣尹提調工役旦夕

親於役所點檢指畫勸諭慰勞增廣其廊廡文彩其殿堂階
基未完者補砌之牆壁未墜者塗墍之再粧七十二子之容
改繪歷代名儒之像排沙戶牖供床等物莫不增而新之箇
月之間而光輝煥然矣公自赴任已來凡邑中祠廟有壞者
悉皆葺而完之縣人嘉其勤於職務故刻石而記之

嘗大元延祐七年冬十二月吉日雷天祐秦時中立石

石匠張信刊

核碑題儒學教諭呂希才撰生員張希良書聞喜縣志元
教諭呂希才延祐間任希良又見萬戶八撤兒德政碑題
古桐張希良書則希良固元初聞喜之能書者碑言宣聖
廟大德七年壞於地震元史本紀大德七年八月辛卯夜
地震平陽太原尤甚村堡移徙地裂成渠民人壓死不可

勝計八年五月以去歲平陽太原地震官觀摧圮者十四
餘區道士死傷者千餘人命振恤之十一月以平陽太原
地震免稅課一年聞喜平陽屬邑今元史本紀止言一路
未析州縣得此碑可補其闕史言官觀摧圮而不及文廟
者元重道教也碑云逮延祐間有監縣事阿里縣尹王傑
主簿呂納刺孫佐史張仁傑同心協力命匠興役箇月之
間光輝燦然縣志阿里元達魯花赤傑字伯英澤州人延
祐間任縣尹強毅正直下車卽多惡政邑當衝繁傑御以
靜卒免釋騷又均賦康時興學倡化姦宄止息百姓輯甯
上司屢以疑獄委之鄰民咸就理焉後升平定州知州祀
名宦呂納刺孫元主簿按元人例稱府達魯花赤爲監郡
縣達魯花赤爲監縣元稱達魯花赤爲監郡見元史故志曰

達魯花赤

元魏初遼州宣聖廟碑達魯花赤國朝府州碑縣各置一人位在尹右爲按恰約束之意

曰監縣

以此碑監縣給其費用考之則似

又縣志於阿里

等皆言延祐間任今碑末題延祐七年十二月立石則諸人皆以是年任縣志學校延祐七年達魯花赤阿里縣尹王傑補葺教諭呂希才撰記卽据此碑爲之

池神廟碑

碑高八尺四寸廣四尺六分三十四
行行六十八字正書今在運城縣

□□□□□□□□神廟碑

翰林直學士朝列大夫知

制誥同修

國史

臣王縉奉

敕撰

翰林學士承

旨榮祿大夫知

制誥兼修

國史臣劉廣奉

敕書

翰林學士承

旨金紫大夫上柱國知

制誥

兼修

國史轉國公中書平章政事臣李孟奉

敕

兼額

延祐改元春三月癸亥

皇帝御嘉禧殿中書省臣言陝西都轉運鹽使司重修鹽廟成當書其事于石

制曰可以

命翰林臣緯恭承

明詔竊惟

國家生財有道裕民有制其於天地山澤

之利皆所以佐

國用厚民生實經世之遠圖也故禹

貢之海濱廣斥厥貢鹽綸洪範之八政必先食貨周制太宰

以九賦斂財賄九貢致邦國之用其本蓋有所自矣謹按鹽

池在晉之河東春煠時為郇瑕氏之地以其沃饒近鹽晉人

寶之史記猗頓以鹽鹽起即其處也自秦漢魏晉以降法之

禁池鹽之盈縮因革不同唐大曆十二年韓滉判度支奏產

詳鹽請置神祠始賜號曰寶應靈慶池其神曰靈慶公宋崇

寧四年封池之神東曰資寶公西曰惠康公封澹泉之神曰

普濟公鹽風之神曰薦寶侯大觀二年進池神為王爵荐寶

為成寶公我 聖朝之開創也

太宗英文皇帝百度肇新丞相臣耶律楚材以經費為稱荐

施行簡為解鹽使置司于路村募亭戶千為之商度區畫自

是保聚益繁商賈益阜釐課日益以增公私以為便歲癸丑

憲宗桓肅皇帝以

世祖聖德神功文武皇帝介弟之重西征大理盡昇鹽池之

利以餉軍立從宜府於京兆俾右丞臣李德輝領其事先是

霖潦敗鹽遣使致禱併五年之獲廼建廟于池之北阜

賜額曰弘濟後罷從宜府為陝西都轉運使司至元

廿九

年改為都

轉運鹽使司徙置路村罷解鹽使司大德三年秋

七月以

課羨

制詔加封資寶王為永澤資寶王惠康

王為廣濟惠康王普濟公曰福源靈慶公仍賜楮幣百

五十

緡命行

中書省歲五月朔遣官致祭夫鹽在五行為水水曰

潤下潤下作鹹所以供祭祀備膳羞資生民之用蓋不可一

日闕也昔周使周公閱聘魯設白黑形鹽辭不敢饗此

禮之

重者

前代解鹽墾畦沃水種之今則不煩人力而自成非若

青齊

滄

瀛淮浙瀕海牢盆煎煮之勞及蜀井穿鑿之艱也蓋

得天地之精英河山之靈秀滯而為池廣袤百里停蓄

疑焉

大離皚皚漫漫浩無津涯璀璨晶明莫可名狀役夫萬餘畚

鍾雲集曾不踰旬哀如山積其利甚博終古不竭方巖之凝也條山之下有風谷焉每夏仲月應候而至至則吹沙

石摧

林木

隆隆俗謂之鹽南風又所謂澹泉者殆皆斥鹵惟此甘

冽取鹽之際炎暑蒸鬱渴救隔澀煩滌汗惟泉是賴人不

告病噫神矣哉傳曰今夫山一卷石之多及其廣大寶藏

與

雪勺水

之多及其不測貨財殖焉其以此歟凡舟車之運輸

梁雍陝洛河東河內之境數千里皆食其利會其歲之入以

緡計者二千萬至大三年同知陝西都轉運鹽使司事臣

熊

榮都轉運

使司副使臣喬宗亮以神祠歲久棟宇傾圮乃與

民商謀欲一新之衆翕然樂為資助終更弗果皇慶二年前

陝西都轉運鹽使臣阿失鐵木兒同知都轉運鹽使司事臣

宋

天瑞相

故廟西塌卜地夷壇中締正殿周阿重簷翼東西

應前啟

其

閱後營寢室擊飛矢棘階凡峻整宏達靖深事將

訖工今陝西都轉運鹽使臣完顏德輝都轉運鹽司副使臣

張忽

都答兒

繼至蒞職通冠大門為樓扁曰寶慶下瞰鹵澤

面對中條東瞰大行西峙雷首陰霽朝暮翕忽變化千態萬

狀信一方之奇觀也落成之日通永澤資寶王廣濟惠康王

于新廟葺舊廟

以

祀成寶公率僚屬士庶商賈咸會祠下鼓

舞懌悅神人於是乎大洽矣仍以廟碑請於

朝故有

是命洪惟

聖朝富有天下際天所覆巨地所載日月

之所

照臨雨露之所濡濡休養生息自租賦外難以鹽課佐

經費然斂不及民而民自足所謂國不以利為利而以義為

利也是以天下之民安其俗樂其業漸仁摩義熙熙皞皞比

隆

三代其視

齊管子正鹽筴以興展渠之利漢東郭咸陽孔

僅輸鹽鐵以歸太農唐之宰相領鹽鐵以判度支萬萬不俸
矣方今

聖人在上參天地之化育裁成輔相宜乎地不愛寶神相福

國以饒衍是用昭崇祀事加錫封號作新廟貌勒之金石枯

我

皇元億萬年無窮之祥神亦與享無窮之祀猗歟盛哉臣拜

手稽首而系之詩曰

乾坤亨壽孰為綱維 萬物並育 孰窺端倪 五行

為用 水德稱首 作鹹之利 以資富有 惟古郇瑕

地質沃饒 右限大河 南峙中條 實沉之次 畫

野定標 匯而為池 雲蒸霧歆 結而為鹹 雪積礁

嶢 殆出神力 民不告勞 自唐歷宋 祀事孔昭

於皇

聖元

奄

有萬國

山川貢珍

百

神效職

靈

池之產

歲增萬億

大德三禩

封

號加錫

皇慶

御極 嘉神之德

迺作新廟

新廟

奕奕

于以揭虔

有嚴禮秩

神人浹和

用紀成績

繫神之休

國用阜康

既

富而教

頌聲洋洋

比屋可封

遺風

陶唐

於萬斯年

寶曆無疆

至治元年歲在辛酉十二月十有二日辛亥

河東陝西等處都轉運鹽使司臣馬思忽等

按碑至治元年立碑言自唐大曆十二年置祠至宋大觀

封號皆與今志合其曰太宗英文皇帝百度肇新耶律楚

材以解鹽置司於路村者卽元史食貨志太宗癸巳年命

鹽使姚行簡修理鹽池損壞處所

庚寅年每鹽四

及耶律

楚材傳均定中原鹽酒之利事

楚材傳定賦稅鹽價銀一兩四十分與食貨志合

其曰歲癸丑憲宗以世祖西征大理盡異鹽池之利以餉

軍立從宜府於京兆俾右丞李德輝領其事者卽世祖本

紀歲癸丑奏割河東解州鹽池以供軍食立從宜府於京

兆及李德輝傳世祖立從宜府以德輝爲使募民入粟給

鹽券爲直事

時德輝就世祖辟川蜀平乃爲行省左丞

其曰後罷從宜府爲陝

西都轉運司者卽食貨志中統二年初立陝西都轉運司

事其曰會其歲之入以緡計者二十萬卽食貨志至大元

年增引通爲一十萬二千事

食貨志元貞丙申每引六十五貫

碑言大德

三年加池神封及鹽風神號澹泉神號亦與今運城志合

運城志宋崇寧間同池神進號爲薦寶侯大觀二年進封成寶公甘泉廟卽澹泉神宋崇寧封普濟公 惟澹

泉神元大德曰福源靈慶公今志闕碑文以延祐元年新

池神廟成奉勅撰

皇慶二年陝西運使阿失鐵木兒同知宋天瑞修未成延祐元年運使完顏德

輝副使張忽都塔兒成之

碑題翰林直學士王緯撰翰林承旨劉廣書

平章政事李孟篆額廣孟元史均有傳劉廣傳字熙載沼

水人幼有文名至元十三年用薦者授國史院編修官至

大二年由翰林學士遷禮部尚書仍兼學士尋拜侍御史

遷翰林承旨皇慶元年遷延祐元年復爲承旨六年遷七

年復爲承旨碑立於至治元年正廣三爲承旨時李孟傳

字道復潞州上黨人皇祐元年授翰林學士承旨知制誥

兼修國史仍平章政事

本紀至大四年正月丁酉孟平章政事

十二月請謝

事以平章政事議中書事承旨翰林延祐元年十二月復

拜平章政事

本紀是月庚子

二年七月進金紫光祿大夫封韓國

公已而乞歸復爲承旨英宗立降集賢侍講學士又本紀

延祐四年七月乙亥李孟罷碑所列官在未降前又碑內
運司諸官名今運城志見者有阿失鐵木兒宋天瑞完顏
德輝張忽都塔兒馬思忽無運城志藝文有此記而多所
刪節不足以資考證舊通志則全載此文又王緯見元史
祭祀志至治二年有旨議南郊祀事太常禮儀院使王緯
博士劉致等會都堂議卽其人亦見王圻續文獻通考

司馬光塋像記

碑高五尺廣二尺四寸二十四
行行五十字正書今在夏縣

司馬溫國公祠堂塋像記

集賢直學士朝列大夫兼國子祭酒李穉資撰
資德大夫河東山西道肅政廉訪使補化書丹

集賢大學士榮祿大夫太子詹事加授太子賓客清苑郭

貫篆額

祠堂之設蓋思其人而不得見故立像以想其平生歲時烝嘗薦其馨香格于神明其誠意之所感孚焄蒿悽愴如或見之此皆出於人心愛慕之誠而然也然其德有厚薄之殊故其祠之也有遠近之異非可彊求也陝州夏縣今為晉_寧之屬也乃宋朝司馬溫_公文正公之故鄉縣西三十里曰鳴條崗即公之先塋縣學之左祠堂在焉郡人祀之香火不絕于今三百年矣兵燼之餘堂故在而像貌不存

皇朝延祐六年河東僉憲野仙不華公按臨至縣拜謁祠下仰而嘆曰有堂而無其像於人何所瞻仰其於典禮蓋有闕焉縣尹李侯榮祖聞其言退而謀於縣之耆舊皆曰此固邑人日夜所不忘而不敢請者也侯既有命敢不竭力以從事

於是施財命工選日興役不閱月而堦像煥然一新慶成之日人大和會遠近聞者相率而來觀之莫不咨嗟嘆息如公復生以手加額至于流涕不減前白自洛赴汴之時也噫盛德之入人心也如此哉李侯又欲紀其事於石因憲幕李君鶚以記文為請予謝不敏不敢承命既不得辭乃為之言嗚呼盛德之士不出於世久矣是以功業若此其卑也其故何哉譬之規矩準繩必先自治而後治人故民之從之也莫不中心悅而誠服身不治而欲治人難矣自唐虞三代以來臯夔稷契之為臣載於書傳者可考也殷之伊尹傳說周之於畢公邵公其人莫不以德稱於天下降及兩漢蕭曹之徒起於刀筆之間考其平生雖僅能取稱一時然皆一切以就功名而已非可以德化言也寥寥至於三國唯有諸葛忠武侯

一人而止爾唐有陸宣公而不盡其用至宋而司馬公出焉
其人可不難哉公之為人也篤學力行清修苦節左規右矩
罔不如禮故言而君信之行而民悅之不用則獨善其身用
之則功利被於天下牛童馬走無不知其姓名敵國遠方莫
不畏其威德此豈聲音笑貌之所能得哉其德積之也厚故
其及之也遠尔是宜天下郡邑莫不祀之以為師法而况於
桑梓之邦乎然而邑宰有賢愚故其祠有興廢自非野仙不
華公唱之邑宰李侯和之其功必不能成之如此之易也今
既完矣邑之人歲時祭享來拜堂下仰而瞻公清苦嚴厲之
容俯而讀公所著資治之書如公在世而親炙之莫不脩身
慎行不敢為非風俗一變皆為君子之儒此則邑宰李侯之
意也豈不美哉請書此於石以俟

至治元年月日

承事郎晉^寧路夏縣尹兼管本縣諸軍奧魯勸農知渠堰
事李榮祖立石

忠翊校尉晉^寧路夏縣達魯花赤兼管本縣諸軍奧魯勸
農知渠堰事教化

晉^寧路夏縣尉布達識禮

忠翊校尉晉^寧路夏縣前達魯花赤兼管本縣諸軍奧魯
勸農事也先不花

從仕郎晉^寧路夏縣主簿郭德明

儒學教諭毛質同立石

儒人田居敬摸勒

太平李世英刊

按夏縣志溫公祠一在學左元延祐六年河東僉事野先
不華暨縣尹李榮祖重繪神像祭酒李穉寶記卽此碑
言河東僉憲野仙不華按臨至縣拜謁祠下歎無像李侯
榮祖聞而謀於耆舊於是施財命工不閱月而堦像煥然
一新是祠像已燬自榮祖修祠始爲之像碑爲河東山西

道廉訪使補化書丹太子賓客郭貫篆額

元史職官志國初立河東山西

道肅政貫元史有傳字安道保定人不言何縣碑題清苑
可補史闕貫以才行爲樞密中書掾累遷至大四年除禮

部尚書歷翰林侍講學士淮西廉訪使延祐二年召拜中

書參知政事

本紀是年十月庚辰貫參政

明年升左丞

本紀五月庚申升左丞

集

賢大學士

本紀九月辛丑

五年除太子詹事

本紀四年十一月置太子詹事

六年

加太子賓客謁告還家至治元年復起爲集賢大學士尋

致仕碑所列官在請告後至治元年未起前又河東僉憲據元史百官志卽肅政廉訪司僉事碑末所列銜名如夏縣達魯花赤教化尉布達識禮前達魯花赤也先不花主簿郭德明教諭毛質皆足補邑乘之闕元晉甯路總管府領解州州領夏縣故記謂夏縣爲晉甯屬邑其曰陝州夏縣者宋夏縣屬陝追述溫公之生云爾李穉賓見元史王磐傳無子命穉賓爲東平判官以便養據碑則延祐末爲集賢直學士可補史闕鳴條岡一統志在安邑縣北與夏縣接界一名高侯原尚書伊訓造攻自鳴條書序湯伐桀升自陬戰於鳴條之野孔傳安邑縣西有鳴條陌卽此地也

追封吉天英碑

山右名錄卷三十一
碑高五尺四寸廣二尺三寸二十二
行行五十四字正書今在汾西縣

大元贈嘉議大夫禮部尚書上輕車都尉追封馬翊郡侯吉

公墓碑銘

有序

翰林學士承旨榮祿大夫知制誥兼脩國史趙孟

頰爲文并書丹

光祿大夫平章政事商議中書省事行太子詹事泰亨篆
額

延祐三年

天子方廣孝治推恩羣臣咸得寵榮其世適命有司著爲令
自而父祖至于曾祖若存若亡階官勲爵各眎其秩而等殺
焉示臣子以尊、親親之道休矣盛哉於是嘉議大夫嶺北
湖南道肅政廉訪使吉君天英品在第三宜得贈封二代遂

贈顯考鹽使□君嘉議大夫禮部尚書上輕車都尉追封馮
翊郡侯蓋距府君之卒葬廿有七年矣又明年君之弟承事
郎中書兵部主事天弼以其狀請於太史翰林承旨趙孟
頴曰願有紀也既不獲讓□則叙而銘之府君諱祥字瑞之
其先家絳州金臺自其高大父始徙汾西故君為汾西縣人
府君生數歲而孤賴其母任夫人以克有立輸寇□□□吏
平陽稅課所尋以□升知事由寶成倉使西京務使得授將
仕佐郎濱鹽司副使進將仕郎□南轉運使經歷又以承事
郎為臨水鐵冶提舉轉廣平鐵□提舉尋同知平定州事會
朝廷方講求經賦以為鹽法久且弊有

旨起府君以舊官佩金符為濱鹽使居有間轉運使上其最
進□□□大即升大使□□二年春秋六十九以大德元年

三月三日卒于家府君歷十官僅一試民社自餘皆主錢穀
專幹權用其幹敏潔廉所至辦治在臨水廣平能究口密治
諸弊凡所更置法流于今於濱自副使為經歷轉運司已口
河領使事地利之瘠豐民力之饒乏研計揣度無豪髮遺然
而本其誠心不專用法故役不衡時而人以安輯先時刑徒
鉗作往往死飢府君口至躬自節觀其食飲口得不失所免
去場大葺呼謝府君晚尤好讀書慈良愛物其天性然也蓋
自中世以來用鹽鐵酒榷益賦縣官論者以為盡籠天下之
利而不知制兼并抑浮末要亦深口仁厚之意第令御事者
咸各盡其心則惠施効集有他官莫之能先者以余觀於府
君則夫生有餘榮死有餘哀固不益可信歟然則士之為善
者其可不知所勉乎哉府君之曾大父諱祐大父諱琚父

諱誠皆隱德不仕今以恩併口府君之父亞中大夫同知山西河東道宣慰使司事輕車都尉封馮翊郡侯母任氏馮翊郡夫人府君先配李氏追封馮翊郡夫人先卒三十八年今配于氏亦封馮翊郡太夫人子男七人長曰天祚次即廉訪君今以中奉大夫為淮東道宣慰使有能名曰天益奉議大夫延安路綏德州知州公勤明敏曰天禧稻田鷹房民匠副長官曰天弼主事君也由中書左司掾選授挺奇雋曰天允國子生曰天興早世女適奉訓大夫奠寧路據管府推官姚文偉孫男十人曰亨曰省曰魯曰朴曰延壽曰拴住曰長安曰赦曰換住曰家和其長男天口平昔和不失同儉而中禮子省授承事郎寶坻縣尹其葬在所居縣東一里李夫人同

竊銘曰

未童而羈 啓慶自躬 不揆其羸 以隳于功 維卒
不有 厥聲以鴻 高王坎中 日茲公宮

至治二年四月日惟東宜日慰建使吉天英綬德州知州
吉天益兵部主事吉天弼等立石

石匠從□□和□□等刊

碑題翰林學士承旨榮祿大夫知制誥兼修國史趙孟頫
爲文並書丹光祿大夫平章政事商議中書省事行太子
詹事泰亨象額按元史孟頫傳延祐二年拜翰林學士六
年告歸此碑撰延祐五年後則已在告歸時題銜與文合
碑云延祐三年天子大興孝治推恩羣臣咸得寵榮其世
乃命有司著爲令自父祖至曾祖若存若亡階官勳爵視
其秩而等殺焉此延祐三年元臣寮封贈著令之證碑云

嘉議大夫嶺北湖南道肅政廉訪使吉君天英品在第三
宜得贈封按皇慶元年柯熙翠峯寺碑記天英結銜爲中
順大夫河東山西道宣慰副使以此碑證之則延祐三年
天英爲嶺北湖南道肅政廉訪使階與官皆視翠峯寺碑
少進碑云又明年君之弟承事郎中書兵部主事天弼請
於孟頫爲銘君諱祥字瑞之其先家絳州金臺今爲汾西
人吏平陽稅課所尋升知事由寶成倉使西京務使授濱
鹽司副使進將仕郎關南轉運司經歷爲臨水廣平鐵冶
提舉遷同知平定州事會朝廷方講求經賦起府君以舊
官佩金符爲濱鹽使升大使春秋六十有九大德元年三
月三日卒按至元末僧格用事經畫財賦以吉君卒年考
之則再使濱司正至元末君所蒞官多主錢穀故碑以制

兼并抑浮末頌之碑云在臨水廣平能究審治諸弊此元
代重鐵政之證所涖稅課所諸官見元史百官志碑云子
男七人長天祚次卽君今以中奉大夫爲淮東宣慰使天
益綏德州知州天禧鷹房民匠副長官天弼主事由中書
左司掾選授天允國子生天興早世女適冀甯路總管推
官姚文偉孫十人省寶坻尹碑末等題官皆與碑文相同
又元史本紀至大元年罷順德廣平鐵冶提舉司吉君卒
大德在至大未罷前故得爲是官

壽聖寺記

碑連額高四尺三寸四分廣二尺二寸四分二寸
三行行四十四字額題四字均正書今在平定州
移穰村重修壽聖寺記

孟州石壁村渾智寺住持傳戒講經沙門廣崇謹

儒學所本村倪肅拙書

夫法身無相本不動搖利物情深頻來頻去繇是王宮□跡
雪嶺修真盤陀石上因圓菩提樹下果滿隨乃逐機續教訖
三乘五教□文應物拈花博四□子□心印給孤啓請鷲子
選淨於祇園太子酤買側布黃金而則賣長者交付唯少東
南之隅君王傾心亦□如來遊履自後太覺說法處釋子講
法場皆号布金田矣於躔佛陀降日虹蜺東貫於周朝法雲
弥布金人飛向於漢代宣惜西傲月支果會竺摩騰乘馬西
來始登鴻臚而駐足勅造僧舍建講法堂白馬為名改司為
寺焉厥後朝朝建蘭若代代設蓮宮俱稱寺歟此之梵刹上
古老師登寺峪中進公大德徙來此地号曰壽聖從金國起
迄今大元經歷歲時百十餘年矣其兵革後無僧住止夷塞

耆艾齋節焚香無所販投又覩院宇荒廡糞土齊堦衆議曰
請一法師看守其院四衆有依緇素可賴光揚村社甚為妙
哉即製疏一統命到本州壽寧寺閻梨僧福周本千叡平劉
氏之適也幼而出家父令禮公講主為師朝夕侍奉暫時
無關師旨云於藥嶺山法海寺應赴檀越掌置院門勿所失
矣承遵教命未敢殆情法海中竝錫傳道德清冰玉行踰
雪霜尋師做道淘汰宗說音聲清澈如善口天推為閻梨而
矣於斯棲止切見雲堂敝齋香積頽牙大雄殿標折椽摧不
禦風雨金容像冠燭碧設雨洒苔生飛雀踐穢佛頭安忍坐
觀篆蠅淹染聖躅何袖手即傾囊贏之資箱篋之珍齋會
檀那營造興功丐功德主施以田財乞都維那供以賄飲化
管勾人捐賂督力哀工同修大殿共葺齋厨三門僧室

威光廊宇不數年而成檐角輝映烜然一新也思乎諸佛示
跡菩薩宿因若非聖人安能圓備浩大緣事乎公之門資曰
作思師德業妙辯叵窮若不豎石恐晦而不彰遂謁余紀之
余辭不已以直辭書之確非敢以為文也承斯修造功勳端
為上祝

聖壽無疆者

皆維大元國至治三年歲在癸亥八月辛酉中旬吉日口
祚等

承事郎平定州判官侯世恭

忠翊校尉同知平定州事陳璧

奉議大夫平定州知州兼管諸軍奧魯勸農事儲仲康

承事郎平定州達魯花赤兼管諸軍奧魯勸農事杜歡友

宋村人等倪亨 張才 郝子茂 崔秀 郭仲口 郝

興 康昌 唐飛立石

按碑題孟州石壁村禪智寺住持沙門廣崇撰儒學所本
村倪肅拙書平定州志壽聖寺有三一在州東北四十里
移穰村唐貞觀二年建宋宣和五年修今碑題移穰村重
修壽聖寺與州志合碑以壽甯寺僧福周應村民之請住
持此寺傾資重修而立碑所列銜有承事郎平定州判官
侯世恭忠翊校尉同知平定州事陳璧奉議大夫平定州
知州兼管諸軍與
魯勸農事 儲仲康承事郎平定州達魯花赤兼管
諸軍
與魯勸 農事 杜歡歹皆可爲考晉故者之助按金元階分文武
而官不甚分文武如此碑陳璧之屬甚夥今州志無此碑
所列官姓名得

此可補 碑立至治三年
其闕

重修藏山廟碑

碑高三尺五寸五分廣一尺七寸八分
二十五行行四十七字正書今在孟縣

重修藏山廟記

賜同進士出身將仕郎□州判官蒲機撰

國子伴讀掌儀鄉貢進士呂思誠篆并書

離石縣儒學教諭呼延鳳舉

定襄縣儒學教諭李復禮

藏山神者晉趙孤程嬰公孫杵臼也古孟治之北遠一舍□

□山曰藏山谿行數里林木蔚茂峯巘巖險有神祠在焉攷

之碑誌評諸故老云昔趙孤匿於此故名其山曰藏按遷史

□□趙孤名武其父朔娶成公姊曰莊姬初靈公之世大夫

屠岸賈有寵趙穿弑靈公及景公之世賈為司寇乃治靈公

之○與諸將攻趙氏於下宮殺朔而滅其族莊姬有遺腹匿
公宿而生趙孤賈與諸將又索之嬰嘗為朔客乃與公孫杵
曰謀○他姓子以示諸將殺之杵曰死焉趙孤獲免於難嬰
持亡匿山中居十五年景公有疾卜之曰大業之後不遂者
為崇公○○韓厥厥知趙孤在乃曰大業之後在晉絕祀者
其趙氏乎公問趙氏子孫韓厥具以實對乃召或及嬰而反
其田邑○○屠岸賈滅其族暨長以賢遂當晉國設謚曰
文後世於亡匿之所祠而祀之又建別祠於城右以便祈禱
二祠之建○○稽邑人傳云雖五季兵紛祀未嘗廢侯爵
之贈程曰忠智公孫曰曰成信爰自宋始噫三神之靈廟食
茲土其來遠矣○○之功之大者其祀遠德之厚者其報
豐此天理之當然而人情之必然者也夫民而非神孰其佑

之神而非民孰其□□□與人寔相依庀若夫水旱疾疫
神任其責犧牲粢盛民共其事是故民之所聚必有神焉且
以文子之賢忠智之□□□之義宜享祀於無窮至於歲之
水旱人之疾疫凡有所祈應速桴鼓祭法所謂法施於民以
死勤事以勞定國與□□□災捍大患者三神俱有焉蓋神
之精爽在天功德在人而犧牲粢盛綿祀不絕是亦天理之
當然而人情之必然者□□豈有所彊而為之哉城右之祠
僅存梁紀則重建於金源之永安五年迄今百有餘季矣歲
月滋久風雨弗蔽邑人李□□好事者也見而興嘆曰祠之
若是胡可以肅祀而安神遂庇工葺財以修以飾計其工程
瓦甃蠟糧藻績之費凡用□□二千餘緡廟宇神像易舊而
新之工作於四月十八日落成於八月十五日百役既卒欲

求誌入石以傳不朽乃致懇□□州忠翊公州尹奉政公來
謂子曰藏山之神民所仰也廟貌嚴矣敢託記於子數請而
意愈篤辭不獲已因據其實□□夫歲月云

至治三年八月十日□□鹽官李簡同董彥友立石

吏目王德輝 司吏□□或 戴復禮 馬思禮 李彬

牛惠 潘桂 楊榮祖 許世英

將仕郎孟州判官蒲機

保義校尉同知孟州事那懷

奉政大夫孟州知州兼□□州諸軍與魯勸農事張思義

忠翊校尉孟州達魯花赤兼管本州諸軍與魯勸農事塔

海

待詔賈善夫

石匠提控權忠友刊門墻秦思孝 廟官馬堅

泥匠韓旺 劉世忠

鐵匠提控張文

木匠提控張山

按碑題賜同進士出身將仕郎 閩州判官蒲機撰國子伴

讀掌儀鄉貢進士呂思誠篆并書孟縣志蒲機與元人至

治元年判州事 果敢有為不畏疆禦然即愛讀書人又元

虞集重修文廟記至治三年夏四月孟州新修廟學成判

官興元蒲公以書來謂集曰孟故有學比年頽弊日甚機

之來也始與知州事武君文煥同知那懷葺完之云云此

機至治三年判孟之證為芮城縣尹見泰定三年三月重

修段干祠堂記 題解州芮城縣尹蒲機篆 機撰此記見孟縣志呂思誠

藏山神祠記

云至治三年余爲孟州判官蒲公所作碑而至祠下卽此碑

元史呂思誠

傳長從蕭科學治經入國子學爲陪堂生試國子伴讀中其選擢泰定元年進士碑立至治三年八月在泰定元年
前故題伴讀碑前所題官有離石縣教諭呼延鳳舉定襄縣儒學教諭李復禮碑後所題官有吏目王德輝保義校尉同知孟州事那懷見虞集文廟記奉政大夫孟州知州張思義縣志官與碑同忠翊校尉孟州達魯花赤塔海梭塔海見孟縣志